

遮仔夢¹

講過个話 行過个路
翻啊轉身
濛煙樣仔 散忒
長長个巷仔肚 雨毛屑仔潑落目珠²
佢擎等一支五百萬抗UV个大遮哥
聽毋著 看毋真
你連講一聲都無
收起遮仔 試著還看欸著若个背影³
緣分敢像紙仔？ 恁薄

本成恠著 這陣雨做得落到
地老天荒 偲兩儕个頭那毛白白
奈何 天頂个雲
四散紛飛——
無等到白頭 你一路西行
隔世个你 拂⁴一下衫袖
月光下 少忒若个溫柔
睡夢肚 多著吾个憂傷

春雨落 東風吹
青青紅紅 花花刺刺个世界
轉毋到頭擺个春天
言註生 先註死⁵
緊拚拚仔个時間⁶
無好分你 定定仔
敌氣

唐皇貴妃 長生殿前
恩愛个誓言
毋當床前 陳年个相思
淋畀醉醉

療死咁臨邛个道士
牽轉來个魂魄
多添一筆
無法度留下你个痛苦

隔世个你 攞⁷一下手
月光共樣
少忒溫柔 多著憂傷

作者註

1. 我有一支五百萬抗 UV 的大傘，那是亡妻買給我的。每次外出散步，她總要帶著它。有時我嫌麻煩，她就會在一旁默默的替我打傘給我遮蔭。日前整理後車廂，發現它，回憶往日，有如夢中……
2. 淚已盈眶。
3. 傘收人散。
4. fin 搖動、甩動。
5. 遺傳基因，家族有肺腺癌病史。
6. 自確診罹癌至故去只六個月。
7. iag 揮動。例：攞手（揮手）。



作者感言 吳餘鎬

遮收夢醒，細樓吹笛人去。緣分真像紙，恁薄。聽講春頭到了，愛坐郵輪。又驚佢，載毋贏恁多个愁慮。

做得得獎，愛盡承蒙評審个相惜。得第三名，前兩名從缺。這表示自家還旨得時，還有盡大个進步空間。衰過个係——恁老人來學吹笛，學得會來鬚又白囉！